

«Мехр-саҳоват» кўқрак нишонини таъсис этиш тўғрисида

«Мехр-саҳоват» кўқрак нишони

Олд томони



Орқа томони



Ўзбекистон Республикаси Президентининг

Фармони

Жаҳон миқёсида кенг тарқалиб, глобал муаммога айланган коронавирус пандемияси даврида, шунингдек, турли табиий оғатлар, фавқулодда ҳолатлар туфайли эл-юртимиз бошига тушган синовли кунларда мавжуд хавф-хатарларга қарши курашда, уларнинг оқибатларини бартараф этишда мардлик ва жасорат намунасини кўрсатган, миллий қадрият ва анъаналаримизни муносиб давом эттириб, меҳр-оқибат, саҳоват, ҳиммат ва олижаноблик фазилатларини улуғлаб келаётган, аҳолининг ижтимоий ҳимояга муҳтож қатламларини ҳар томонлама қўллаб-кувватлаш ва уларга беминнат кўмак бериш борасидаги ишларни умумхалқ ҳаракати даражасига кўтаришга катта ҳисса кўшган, жамиятимизда тинчлик-осойишталик, бирлик ва ҳамжиҳатлик муҳитини мустаҳкамлашда фаол иштирок этиб, беғараз ҳомийлик ёрдами ҳамда эзгу ишлари билан кўпчиликка алоҳида ўрнак бўлаётган юртдошларимизни тақдирлаш мақсадида:

1. «Мехр-саҳоват» кўқрак нишони таъсис этилсин.

2. Қуйидагилар:

«Мехр-саҳоват» кўқрак нишони тўғрисидаги низом 1-иловага мувофиқ;

«Мехр-саҳоват» кўқрак нишонининг тавсифи 2-иловага мувофиқ тасдиқлансан.

3. Ўзбекистон Республикаси Вазирлар Маҳкамаси икки ҳафта мuddатда «Мехр-саҳоват» кўқрак нишонлари ва уларнинг гувоҳномаларини белгиланган тартибда тайёрланишини таъминласин.

4. Ушбу Фармоннинг ижросини назорат қилиш Ўзбекистон Республикасининг Бош вазири

А.Н.Арипов ва Ўзбекистон Республикаси Президенти Администрацияси раҳбари З.Ш.Низомиддинов зиммасига юклансин.

Ўзбекистон Республикасининг

Президенти Ш.МИРЗИЁЕВ

Тошкент шаҳри,

2020 йил 26 май

* * *

Ўзбекистон Республикаси Президентининг

2020 йил 26 майдаги ПФ-5999-сон Фармонига 1-илова

«Мехр-саҳоват» кўқрак нишони тўғрисидаги

НИЗОМ

1. «Мехр-саҳоват» кўқрак нишони билан Ўзбекистон Республикаси фуқаролари:

- жаҳон миқёсида кенг тарқалиб, глобал муаммога айланган коронавирус пандемияси даврида, шунингдек, турли табиий оғатлар, фавқулодда ҳолатлар туфайли эл-юртимиз бошига тушган синовли кунларда мавжуд хавф-хатарларга қарши курашда, уларнинг оқибатларини бартараф этишда мардлик ва жасорат намунасини кўрсатгани;
- танти ва олижаноб халқимизнинг буюк тарихий ва маънавий қадриятларини, миллий анъаналарини муносиб давом эттириб, меҳр-оқибат, саҳоват ва ҳиммат каби юксак фазилатларни улуғлаб келаётгани;
- аҳолининг ижтимоий ҳимояга муҳтож қатламини ҳар томонлама қўллаб-қувватлаш борасидаги ишларни умумхалқ ҳаракати даражасига кўтаришга катта ҳисса қўшгани;
- хайрия ва саҳоват маблағларини тўғри ва холис йўналтириш, қийин аҳволга тушган аҳолига ўз вақтида беминнат кўмак беришдаги ташаббускорлиги;
- бугунги мураккаб ва оғир шароитда жамиятда тинчлик-осойишталик, бирлик ва ўзаро ҳамжиҳатлик муҳитини мустаҳкамлашдаги фаоллиги;
- беғараз ҳомийлик ёрдами ҳамда эзгу ишлари билан кўпчиликка алоҳида ўрнак бўлгани учун мукофотланади.

2. «Мехр-саҳоват» кўқрак нишони билан Ўзбекистон Республикаси фуқароси бўлмаган шахслар ҳам тақдирланиши мумкин.

3. «Мехр-саҳоват» кўқрак нишони Ўзбекистон Республикаси Президенти ёки унинг номидан Ўзбекистон Республикаси Олий Мажлиси Сенатининг Раиси, Ўзбекистон Республикаси Олий Мажлиси Қонунчилик палатасининг Спикери, Ўзбекистон Республикасининг Бош вазири, вазирлик, идора ва жамоат бирлашмаларининг республика органлари раҳбарлари, Қорақалпоғистон Республикаси Жўқорғи Кенгеси Раиси, вилоятлар ва Тошкент шаҳар ҳокимлари, шунингдек, бунга вакил қилинган бошқа шахслар томонидан тантанали вазиятда топширилади.

4. Мукофотланганларга кўқрак нишони билан бирга унинг гувоҳномаси берилади.

5. «Мехр-саҳоват» кўқрак нишони кўқракнинг чап томонига давлат мукофотларидан кейин тақилади.

* * *

2 / 3

Ўзбекистон Республикаси Президентининг

2020 йил 26 майдаги ПФ-5999-сон Фармонига 2-илова

«Мехр-саҳоват» кўқрак нишонининг

ТАВСИФИ

«Мехр-саҳоват» кўқрак нишони 0,25 микрон қалинликда олтин қопланган мис қотишмасидан тайёрланади ва диаметри 34 миллиметрли доира шаклида бўлади.

Кўқрак нишонининг марказида кўтарилаётган қуёш нурлари фонида ғамхўрлик билан қучиб турилган инсонларнинг рамзий тасвири акс эттирилган. Кўқрак нишонининг айланаси бўйлаб, юқори қисмида оқ эмаль фонида «MEHR-SAXOVAT» ёзуви ва қуий қисмида иккита дафна новдаси жойлашган. Ҳарфлар баландлиги – 2,2 миллиметр.

Кўқрак нишонининг орқа томонида Ўзбекистон Республикаси Давлат герби тасвирланган.

Кўқрак нишонининг қалинлиги – 3 миллиметр.

Ёзув ва тасвирлар – бўртма.

Кўқрак нишонининг олд ва орқа томонларининг четлари қабариқ доира билан ўралган.

Кўқрак нишони илмоқ ва ҳалқа ёрдамида Ўзбекистон Республикаси Давлат байроғи рангларидаги шойи лента қопланган беш қиррали қадағичга уланган.

Қадағичнинг орқа томонига кўқрак нишонини кийимга тақиб қўйиш учун тўғноғич кўринишидаги мослама ўрнатилган.

Манба: uza.uz

2020-05-27 09:35:44